

四庫全書

集部

欽定四庫全書

文苑英華卷一百二十三 宋 李昉等 編

薪火

野燎賦一首

燈賦一首

取榆火賦一首

鑽燧改火賦一首

庭燎賦二首

獸炭賦一首

清明日恩賜百官新火賦一首

積薪賦三首

野燎賦并序

崔湜

先天二年十月僕客于郢山之胡氏胡氏之子體道之
疑命與僕有忘年之厚焉常以暇日登高縱觀見火燎
于野壯而偉之因謂僕曰吾讀文多矣未嘗見有賦於
是者試為吾賦之僕時負譴觸物多興援毫斐然豈近
聲律其詞曰

郢國東走楚藩南極江關蒼茫千里一色在季月之窮
會方短辰之驟匿霜皚皚而夜塗霰淅淅而朝逼百草

同死萬木皆枯瞻彼灌莽鞠為榛蕪葉煩拏而積蔓枝
擁腫而盤株既掇壑以擢阜亦繫塍而冒塗及乎農聚
告畢澤虞縱燎遠靡不焚近無不燒灼地而山川卷色
炎天而日月頽照固玉石以俱銷何芝蘭之不噍豈害
物以利獲將順時而通教沃我公田之饒遂及我私之
効廬城之曲客遊者聞之訊之其足觀也乃命我賓僕
東吾征馬登於高崗一瞰平野是時牧童樵豎匍匐交
馳提爨秉炬斯馬取斯爾其薙棘崇蘊縮茅始吹殘一作

歲芳未熟短炬猶羸或蠢蠕翁勃或宛延冶晶翳翳

而莫振力絛絛而可羈不利進而求食

疑作退

每違高而

趨卑狀君子之攝勇同哲人之守雌及乎旭日照爛晴

風蕭索憑燥鼓威倏忽而作光艷艷而旁翥氣曠曠而

上薄翻紫焰於半天迸紅星而四落驕爾電烈雄然雷

奔泉汨颺颺沙騰霧昏其始也杳然若六氣含象開混

元其少進也赫焉若十日揚光登天門迫而察之既似

乎驚鑣失轂駭平原遠而望也又似乎列羽攢旗馳塞

垣於是走熾狂迂衝煙怒擊咆林吼叢欵谷欵壁或霍

獲以燐亂

見靈光殿賦

乍轟鳴而搗拍颯如萬壑之岸崩拉

若干巖之石坼經雪窟而歎靄突冰凌而沸液棲禽失
竄以驚嗥伏獸迷奔而墮蹶應接不既吁其可畏能使
烈士賈勇懦夫增氣開耳目之溷濁蕩胃襟之滯欵登
農山之嶺既瑣瑣焉觀廣陵之濤亦復何謂及乎炎威
亢極途窮勢摧赫赫掃地滅成煙煨何倏興而忽歇何
有往而不來無介推之生氣見韓安之死灰僕乃愀然

歎息而謂胡公曰夫物忌太甚火亦如之得茲在茲失
茲在茲徒觀其進德并命策名逢時三堦式踐六柄初
持方望會於朝論亦謀明乎帝思居則擊鍾陳鼎出則
長戟幡旗咄嗟而嚴霜夏落顧盼而腐草冬滋道路多
望塵而拜朝廷以轉目相期及乎過進受傷滿盈致缺
或身辱名替或氣墮心折或朝失卿相之權或暮為匹
夫之列客稍引而多去友雖求而已絕高門翳羅雀之
叢曲池淪涸魚之轍伊焔焔而不禁固炎炎而就滅聊

假興於斯文庶投鑒於來哲

燈賦

馮真素

日杲而朝濟月朧而宵出稟純陽而合彩體沉陰而盈
質照未被於覆盆光豈周於暗室顧茲燈之燠炫保謙
光於自薦推九華於洞房擗百枝於複殿嗟微瑣之陋
質侍君子之高譙光逶迤於舞袖影朦朧於歌扇絲竹
夜響綺羅春絢玉階星列金缸花徧至若上客將歡中
樽未闌吐氤氳於玉宇流艷溢一作於金盤雜行月而

浮桂乘流風而泛蘭瑟韻誼兮逾炳更籌深兮轉寒覺
離筵之間寂知別恨之良難別有蕩子遼水賤妾空閨
掩錦屏而綿歎下羅幔而長啼既婵娟於永夕亦委鬱
於孤棲花伴粧而共落煙逸思而俱迷况復古人處否
通道居幽門庭閒寂景物清秋憤書劒之無託意年華
之不留抱枯簡以銳想對寒燈而足愁及其遇晚韶暉
乘昏吐耀明以利物光非自照希助美於太陽豈聯暉
於庭燎雖寓詞於感物終有類一作累於體要

取榆火賦

以方春改火用
榆鑽燧為韻

王起

國家布和令稽舊章候葭灰之所應取榆火之有常鑽
之彌堅初若切磋之響動而愈出俄生熒煜之光火則
循利人惟嚮方豈徒宣明於四海固將貽範於百王時
也遲遲日昇習習風至太簇中律勾芒整轡擇木之宜
順天之利歷歷初種常散莢而如錢煌煌是求必鑽木
而成燧曲直有倫尋尺為珍啓炎上之氣當發生之辰
佐暄妍於獻歲助煦嫗於陽春比皇明之燭幽既自邇

而及遠叶時令而委照是捨舊而謀新始青林兮見採
終洪鑪兮有待鬱攸之氣方騰枯槁之容不改其執熱
也殊金燧之感其攻堅也非水石之鑽佩之或雜於刀
礪用之以代其槐檀運手而綠煙乍起屬目而朱燄可
觀餘燼收之而有耀死灰燃之而孰難束蘊是繁抱燠
一作衆影何鎔鑄而不賴何燔炙而不可紅星忽迸不
異乎種天之星朱火既非疑詎同夫敲石之火則知調
其玉燭取彼白榆誠國之美利亦君之遠圖始豁光而

無朕卒既燥而有孚所以微成於著有生於無豈徒巖
凝之鄉樹於北塞晚晚之景失於東隅宜乎大化不與
餘光必共莫不愛一人之大化為百姓之日用

鑽燧改火賦

以順茲四時取
彼衆木為韻

乾坤設兮其儀有二寒暑運兮其序有四聖人則天而
順氣故改火而鑽燧大矣其功博哉其利智以濟物時
以作事萬人由是資生六府以之咸遂爾其始也命工
徒案林麓選槐檀之樹榆柳之木斬而取也期克順於

陰陽錯而改之序不憊於寒燠既類夫求美玉而琢山石又似乎採明珠而剖蚌腹爾其錯也勢若旋風聲如驟雨星彩晨出螢光夜聚赫戲鬱攸赭熾振怒青煙生而陽氣作丹焰發而炎精吐影旁射而曜威氣上騰而作苦冠五行以斯用審四時而是取司方守赤以備乎南北東西利物濟人用配乎金木水土則知火之為德候而為期火之為用無以尚茲輝赫赫而不滅性烈烈而自馳其猛也物則望而畏矣其炎也人則寒而附之

豈不以陽氣所稟厚生所資用於燧人之氏熾於火正
之司及乎日月其逝春秋相推取捨有常必假於人力
新舊迭用無乖於天時惟火之用其則有順其初也鑽
一木而挺英其大也燒萬物而為燼豈止夫田單克燕
孟明伐晉或焚舟而濟河或藝牛而破陣而已哉今我
國家七德聿修九牧入貢若以之爍金為鼎可以備物
致用若以之鑄金為器可以安人和衆然則鑽燧之始
既已如彼利一作和用之美又亦如此濟乎今古達乎遐

通猗歟火之不可闕也如此

庭燎賦

以早設王庭輝
映羣辟為韻

王者崇北辰之位正南面之威赫朱燎以具舉列彤庭
而有輝助彼皇明可燭於夜色

一作艾

叶茲睿哲引曜於

宵夜信乎令典有作舊章不違當其冠劔鏗鏘環珮昭
晰我我爭赴肅肅就列聽玉漏而未央仰紫宸而初疑
蕤珠旒將出方熠熠以星懸綵仗徐來

以疑作已

煌煌而

電設九儀稍布六樂爰分代晨光之昭曜雜佳氣之綢

緼騰輝於鴛鷺之行若離若合委照於熊羆之旅或分

一作友

或羣昭昭彰彰紫氣紅光聲明燦燁百物熒煌觀

炎上之有赫知臨下之無荒遠而瞻之謂焚裘之煙昭
儉於晉帝迫而察之似流屋之火呈瑞於周王金缸莫
齊銀燭非競長風乍拂高焰彌盛華袞燦爛以相鮮猛
虞攫擊而交映其容烈烈其明杲杲附寒者覺其春深
假寐者疑其曙早則知統四海朝百辟勵夙興勤夕惕
佐盛儀而有待惜流光而無數昭其明也叶天鑒之清

穆望而畏之

左傳火烈人望而畏之一作望之儼然

契天威之咫尺彼燿

火秦舉神光漢覲何足示來儀之容呈入覲之績則知

我皇立人之程為國之經旂泮泮而咸造鸞鏘鏘而可

聆萬宇又多士寧豈徒美君子之至在宣王之庭

第二

以天覆之廣文德以來為韻

楊 濤

王者親政以虔遲明於未明之前佇來朝於昧爽爰設
燎以光宣爛然見舉赫以相鮮燧人載馳俾流光而燭
地羣后咸造將辨物以朝天時也四照方一作陽千官

是候星尚泛於銀漢夜未窮於玉漏烘廣庭之際艷以
朱陽曜紫微之旁皎如白晝伊有爛之通照契無私之
光覆於是逮其時灼其姿影搖丹檻光動彤墀凌霜氣
而炎威轉熾拂輕飈而委燼潛遺設必有因蓋欲司其
明也幽無不察豈假望而畏之事光乎國典詠美乎周
詩如是則稱蘭膏者自減影於是夜言金釭者敢呈暉
於此時豈設王庭其照能廣既烈烈之旁達不勤勤於
睿想尚早斯至激環珮以鏘洋居高匪遑疑燭宮闈而

曠朗功殊旬燎事美蘭薰燃五夜而幽明已辨輝九重
而鴛鴦斯分小投炬以流景嗤銜璧之呈文息其焰而
恒讓朝日浮其煙而乍雜瑞雲有以啓天顏輝至德燐
亂炳煥熒煌翕赭連珠戶而散彩暎丹柱而混色懿夫
勲烈有融用捨合理當其晦可燔藝以生讓其明可撲
滅而止原燎縱而爰疑作匹燿火通而何以未若茲燎
之舉天庭之隈可使九門洞啟諸侯畢來

獸炭賦

以朱火清
耀昇為韻

蔣防

彼好奇者巧與之俱揉煨燼兮是謀是度象猛獸兮為
虎為豹將以輝爍殊觀焜耀洪爐腹翕赭以凝電口噉
呀而奪朱曳尾垂頭似無心而暴物噓煙吐焰若有齒
而焚軀寓形兮必果徒搏兮莫可鋸牙鉤爪乍騰倚於
寒灰隅目高睨載光芒於烈火所以暖虛室娛密坐稽
其狀也成鷲獸之雄雄求其類也笑形鹽之瑣瑣其靜
兮無營其動兮匪驚稍頓足以狼顧時逆列以豺聲煜
燖交光孰辨犬羊之躡顛頰欲步似懷林野之情因炎

上以委質殊檻中而徇生輝兮赫兮美其容之有焯不
貪不暴嘉其身之中清無野心以見諂非內熱以自照
恒虢虢而出勇復煌煌而引耀威而不猛謂馴擾於中
堂攫而莫前疑踉跄於餘燎襲狐貉者對之而不驚被
絃絳者向之而伏膺佐南薰之煦嫗却北陸之嚴凝金
釭近之而發彩玉壺隣之而散冰鬢髣枕籍爝晃依馮
類火鼠兮炎丘是託比燭龍兮崑閬斯昇此制也不唯
資於翫好抑亦彰夫伎能

清明日恩賜百官新火賦

以題為韻

謝觀

國有禁火應當清明萬室而寒灰寂滅三辰而纖靄不生木鐸罷循乃灼燎於榆柳桐花始發賜新火於公卿由是太史奉期司烜不失平明而鑽燧獻入匍匐而當軒奏畢初焰猶短新煙未密我后乃降睿旨茲錫有秩中人俯俸以聳聽蠟炬分行而對出炎炎就列布皇明於此時赫赫遙臨遇恩光於是日觀夫電落天闕紅排內垣乍歷闌環初辭渥恩振香爐以朱噴和曉日而燄翻

出禁署而螢分九陌人人寢而星落千門于時宰執具
瞻高卑畢賜降五侯以恩渥歷庶僚以簡易煖逐來命
風隨逸騎入權門見執熟之象閱有司識燭幽之義咸
就地以照臨示廣德之遐被於是傳詔多士同歡令晨
將以明而代暗乃去故而從新均於庭燎貺彼元臣耀
耀當門煙助松篁之茂熒熒滿目艷如桃李之春羣臣
乃屈膝辟易鞠躬踧踖捧煦育之恩惠受覆載之光澤
各罄謝懇競輸忠赤拜手稽首感榮耀之無窮舞之蹈

之荷鴻私之累百然後各爨鼎鑊傳輝膳官爭焚爐炷
競執膏蘭銷冷酒之餘毒却羅衣之曉寒方知春秋故
事未逾於我周禮救災徒稱變火曷若賜於百官萬方
同荷

積薪賦

以後來者
居上為韻

張敦實

積薪如之何伐自中野藏用如之何俟夫爨者當就燥
而未及固不材而見捨我取彼竭在寢寢以增高顛之
倒之信多多而益寡來因高岡之上徙殊曲突之下知

附熱之足食

疑

兼微光而是假原乎瞻彼林薄爰發條

枚綢繆既束負荷皆來始交積以發地俄重疊而如堆
顧遇可期亦有含音之器操持倘用豈無束濕之材匪
伐柯於林下疑設燎於庭隈入用雖慙於散木待燃未
怯於死灰幸薰灼之可近唯掄擇之所裁必能揚大君
之光資烹飪以調味豈徒發太守之化祈澍雨以禳災
觀其疊迹連牆攢形內向功成執熱化歸炎上催發生
於庖人廢全模於梓匠魯不知縱橫長短之術成結構

高卑之狀犬牙交列未失本枝之形蠅翼巧成猶蓄運
斤之望豈徒分彊幹弱枝之義留錯節盤根之餘異掄
材而晉用似檜巢而夏居幸爍火未息與獸炭焚如無
之實難鑽燧者於茲待乏雖欲勿用和羹者焉能捨諸
古人徵一作懲用賢之乖喻積薪為偶奚自我而爭先反
忽焉而在後念採掇之所在顧高下而何有倘堅貞之
可求庶有心而不朽

第二

以帝取汲
點為韻

僕少好讀書長而無替謝絕門客幽闕長閉志尋經史
見汲黯積薪之言即知君臣有道之契乃廢卷憤色竦
袂臨砌豈吾道業謝於古人君德慙於往帝竟空鹽梅
之用長虛舟楫之濟於是辭雲林裂荷薜赴以時貢擬

先

一作先

秋計何歲華之不與幾山川之迢遞積薪暗入

於心

一作先

期後來空望其他惠積薪何薪唯楚與桂其

採之也翹車載馳畢搜其林壑其得之也良材盡取靡
遺其巨細風塵爾勞阡陌相繼辭雲壤而百處指王城

而四詣得大有之妙象同萃享之深智無怠其功有司
是主雖不近於丹陛幸得貯其華宇然蓄薪而雖多非
有命而不取每至膳夫興造金鼎初汲論食玉而來窺
將然桂而先挹勿貴先至在其下兮必棄置於後時勿
輕後來居其上兮必取用而先及此自然之理胡物情
之可習已矣哉蒼苔蕪兮白露湛愁來晚夜紅顏減君
若助化於聖明伏望留情於汲黯

第三序

李德裕

此郡巖壑重複林麓繁盛

一作榛
林鬱盛

樵採之子未嘗輟音

往往公流而下詣余求售余因積薪于庭竊有所歎乃

為積薪賦曰

邈巖居之幽遠有楚澤之放臣方絕學以自饜誠未暇
於披榛悲顏子之飯煤感萊蕪之生塵時束蘊以請火
訪蓬茨之善隣乃遇樵客維舟水濱余訊之曰採樵賤
業常棲隱淪詩既嘉於刈楚傳亦歎於析薪爾豈延瀨
之客不取金而且貧又豈叔敖之子似好蘆而苦辛何

乃負擔不已其生實勤客顧余而歎曰貴則近禍富多
不仁寄迹於此以養吾真善大雅之知言信蕩美之一作

以可詢既而交加累積高下齊均轟若井幹疊似龍鱗

避沈泉而無浸生曲突而不陳

一作先曲
突以斯陳

苟知防患之

術終無焦爛之賓嗟長孺之昧道常喻此而求伸雖後
來之高處亦居上而先焚使薪為能言之物豈欲一作

入爨而揚芬未若生幽崖之側糺芳桂之輪不近野田
之燎免勞匠者之斤冒霰雪以終歲齊天年於大椿

文苑英華卷一百二十三

欽定四庫全書

文苑英華卷一百二十四 宋 李昉等 編

畋漁

春蒐賦一首

皇帝冬狩一箭射雙兔賦一首

聖人苑中射落飛鴈賦一首

三驅賦一首

畋獲非熊賦一首

開三面網賦一首

弋不射宿賦一首

呂望釣玉璜賦一首

任公子釣魚賦一首

獨蠶綸賦一首

釣盈舟魚賦一首

春蒐賦

以畋狩得時賦
禽合禮為韻

常 袞

上方究心政理愴慮遊畋順時而行仁育之恩克洽酌
古取則春蒐之義攸先所以示軍容於有衆發號令於
初年時惟仲春景則清晝列武卒於天仗選龍媒於御
廐野有鳴鹿爾則食君之革菴無居人我亦從王于狩
其儀可覲其理可究春者蠢也象其動以宣威蒐者求

馬薄於求而在宥固將明其校閱非取樂於馳驟想熊
羆之士必在於求賢驅貔豹之師寧惟於逐獸夫其將
陳於野先訓於國執銃備卒伍戰陣之教執鐳盡進退
疾徐之則六軍之節制可觀三畋之禮文斯得而原其
初也勅司馬致高旗行火弊出周禮 雉舍菑彎良弓而發
彼破修皆以斃之擇可取而克成舊事捨將孕而用
表深慈雖四海久清禮且崇於國典三冬尚隙役無奪
於農時然後筭其獲否以行賞勸皆賈藝以求功必極

忠而上獻若然者豈徒倒逸材之獸落翰飛之禽大發以彰其武力小殺以宜疑其道心事且載於周禮跡寧誠於虞箴夫如是子雲無以諷其羽獵相如未足言其上林於是天族疑作旋景從飈軼電雜皮冠且進虞人之守斯存綵仗前驅天子之圍不合有司乃申誓人之詞具表貉之禮獻禽以報其生植充豆以遵其孝悌君子謂是蒐焉足觀國家之大體

皇帝冬狩一箭射雙兔賦

以題上六字為韻

路季登

大矣哉我唐之盛兮七葉重光襲文明以為德表武烈而

稱皇於是行冬令稽舊章當清風之戒節建

疑作

玄律

一作

暉之司方時因展狩禮備肅將信不差於王道宜取樂於

禽荒者哉若乃整鈞陳嚴羽衛星旄燭野雲旗拂暄周長
揚而為陸屬甘泉以為綴騁六龍而電發顧雙兔而颺逝
性免狡而不恭足輕迅而靡制爰從聖射乃觀神藝鑿鑿
却轉引柘月而隨圓金鏃斜飛疊霜毫而俱斃既絕系而

達臆

子虛賦洞習達腋絕乎心繫注中心絕系也繫讀曰系

亦洞習而裂背岐陽之

美不獨稱於周王上林之雉未可論於漢帝觀夫歲聿暮
時既冬採吉日詠車攻或備鮮於乾豆或薦芬於祖宗匪合
圍而縱獲諒閱武而觀農且箭協陽爰兔唯陰獸柔而不犯
信爾類之可全彊以多猜信我網之不漏伊省括而一發紛
應弦而雙仆所以章聖武於無窮表靈誅於薄狩至如馳騁
裏跨深密追捷蹤騰勁質飄勇氣於蒼昊抗稜威於白日激
流電而指顧躡奔星而迅疾疊穿兮被兔則雙舍拔兮我矢

惟一足使百蠻膽喪萬人股慄遐哉邈乎不可談悉彼

更羸

出戰國策

之絕藝蒲且之妙術曾何足以擬議焉於是

殺氣肅英風扇信合美於三驅寔挺竒於一箭然後廻彫輦御金殿或畀台階或歸鼎膳乃知我皇之威德眇萬古之罕所聞見者也

聖人苑中射落飛鴈賦

以題為韻次用

陸贄

於穆我皇受天明命與乾坤而合德配唐虞而齊盛成
功斯著射中九霄之禽文教已宣道應千年之聖想彼

禽矣雖雖可珍配玉帛於前禮齊山木於至人棲必擇
處翔無失倫候律南徂洞庭之芳草猶碧順時北向上
林之繁花已春苟應弦以啓聖同殺身以成仁爾乃雲
收遠天水落上苑風蕭蕭而勁夕日杳杳而低晚於是
聖人悅年豐修武功有直斯矢有矜其弓因肅殺之候
遊苑囿之中彼鴈于飛斜當禁掖帶輕雲之微一作素
曠遙天之晴碧雖蓬蒙之絕藝莫敢措心固離婁之明
眸其纔能覲我弓斯張我矢斯射算分數之遠近則舍

拔而應鏘質毛紛其已墜弦聲振猶未釋聞之者足蹈
手舞覩之者目駭心惕彼貫心稱妙穿葉無忤一則三
年而後發一則百步以為約豈如料必中於飛動騁絕
伎於寥廓鴈以遠而矢發矢既中而鴈落異哉莫高者
天戾天者飛彼搏空之逸翰尚無所遠矧荒服之逆命
曷不成歸則知皇聖有作夷夏無間鄙楚莊之戲猿笑
晉平之失鷄固將威九垓而清八荒豈直落翔雲之一

三驅賦

以蒐畋以時網
去三面為韻

裴度

古之畋獵自天子達諸侯秋則獮春則蒐非有情於殺戮固無取於盤遊蓋以除時稼之所害示軍容之克修故王者有三驅之禮也職此之由夫生殺之柄主之於天生誠有之殺亦宜然是乃張我武出于畋植靈旗以準的應晉鼓以周旋兵作於後獸馳於前背主而去者以其逆而必殺委質而來者以其順而必全是知從禽之中有古義焉何乎哉三驅之義我則有以且以驅為

名至三而止驅者以無合圍之道三者以有知足之理
蓋以明上帝之心見聖人之旨初其擇吉日戒師期既
逐獸以禮亦使人以時不知追軍詎設左右之翼有異
捕鹿寧分犄角之師夫堯舜而來殷周以往皆順時而
行令非害物以示養無違者不殺知有異於焚林犯德
者取之固無間於漏網故知樹德務滋除惡務去所以
欲萬國之畏威使四方之即叙柔者來服則必解其罰
羅挺而背走則必烹於鼎俎若然者必沮其疆梁而銷

其旅拒也逮乎大漢遊盤是恣馳騁一作是是耽崇苑囿

而大開里寧止百取庖厨之饜飫畋豈惟三不然者何

以子雲有長楊之諷相如有亡是之談我國家修古典

斥游宴狩不奪於三時網唯留於一面大田多稼聊會

獵於長苗四海無虞徒因蒐而教戰美矣哉三驅之禮

因茲而又見

畋獲非熊賦

以有開必先是
膺明威為韻

頻喻

畋者所以講武賢者所以輔弼能順時以弘閱逢命世

之間出得賢於蒐狩之場効獲乎霸王之術且以展時
巡之明義昭至化之陰隲將入林之有期寧即鹿而無
必哉是以賦車攻練吉日駕駟牡之既閑儼七駟以齊
蹕於是列卒滿路張罟竟天傾藪刮野搜林蕩川小殷
湯之教祝同周文之獵賢治國之規必聞獻可從禽之
樂寧假獻豳如斯則沃心之期乎說啓乃入夢之知夫
兆先觀夫獵車未貫大綏將弭得賢之繇既符非熊之
姿宛是馬足不極皮軒遽迴解雲羅之周布廣天仗以

全開用割鮮之能我則曾事於屠釣誇染輪之味我則
將和於鹽梅且夫博採為聖旁求斯盛寧知校獵之遊
更展弓旌之命白駒皎皎無煩空谷之維東帛彘彘不
待中園之聘薄狩有隰畋遊有恒一作德陳虞箴以炯戒

得呂望以光膺馳驚乎道德之囿故逸飛之遺走將賢
能之是擇在麋鹿而何有十旬失位悲夫洛汭之歌三
品充庖詎比渭濱之叟此威容兮我武既成彼非熊兮
惟時之英來儀則邁種靡怨佐理則日月宣明盛哉三

驅之致用也永代垂聲

開三面網賦

以仁聖之道開此三面為韻

湯既有殷聖德日新敬畋遊必因於無事取禽獸不為
乎資身於是設無松之網當去殺之辰加一日而雖期
於用開三面而蓋取諸仁乃言曰遂爾之性啓予有聖
悲羅者之所重傷詔虞人悉除其令恢恢雖設不為四
校之防蕩蕩無疑必遂三驅之命是用施諸大麓祝以
嘉辭舉數隅而罔煩曲取當直道而豈假周維故得獸

安狂顧鳥釋危疑弗慮弗圖自樂已生者足矣若亡若
存不用吾命者繫之當夫蒐狩有常稼苗是寶將遂乎
驅逐豈煩乎窮討所以釋從禽之利以絕一源解竟野
之罟欲窮諸道遂得行無所阻物不懷猜念群生而東
西必遂嘉衆路而遠近咸開弱羽飛空未見觸絲之患
徵一作微行走地曾無繫足之哀故曰聖道克美深仁及
此雖有畋獵而無荒雖有置罟而必弛所以冠百王而
不怍歷萬祀而無慙正其德而惟守一用其網而必去

三芳隨事

一作業

遠化與恩覃則里革斷舌之心庶修遺

美西乙放麇之感足繼清談今天子意在蒐田志清郊
甸庖羲之網屢設成湯之心未變已焉哉誰能述三代
之所興庶可垂永於南面

弋不射宿賦

以君子仁及飛鳥為韻

王起

禽之生兮擇其翔集弋鳥

疑作為

繫兮修其決拾飛則騁

伎或雕俎是求宿必表仁亦良弓用戢無欺其處闡必
濟其不及豈憚殺而為心將好生而是急當其白日既

曠皎月纔分斂翮爭萃來巢有羣同在籠之無見雖驚

弦而不聞豈不知剪其羽飾旌旗之靡靡裂其肉成炮

炙之紛紛

詩焮炙芬芬

蓋以忘機為心方同海上之子俯窺

見害奚恃太平之君四鏃既藏六鈞遂弨

廣韻等少切

物則

咸若德用不擾三驅之禮未弘五刑之仁為小蒲且希

伎自貫于青雲碧族設官爰射乎妖鳥豈以窺城上之

烏棲殞月中之鵲繞至道在茲懷仁有歸恩同於解網

戒比於合圍且以順行而蒐

一作捷

寧恨於風毛雨血當

夕而殞奚思於不鳴不飛諒身剪而知懼實羽族之有
依我思古人聿求夫子蓄矍相之藝不發於非時當山
梁之求必資乎順理從禽之禮斯得夜獵之夫多耻物
既全諸真藝亦藏諸身則知率是道也在博施於仁

呂望釣玉璜賦

以道濟天下神
符告休為韻

昔太公之未遇也隱於渭之濱釣於渭之津坐磻石而
不易其操垂直鈎而不撓其神波萬重而我心惟一歲
三周而吾道方申既而寒潭晚霽莫不遺乎巨細兀忘

形而有待引經綸而不替期陰隲以旁行忽冥符而下
濟於是拔深泉激細疑連振錦鱗而雲霞煥若獲玉璫
而篆籀昭然皎皎霜淨亭亭月懸表蒼兕之期功隣造
化騰白虹之氣理契先天所以耀川靈所以誇漁者徘徊
自適憤惋俱寫臨清流而素彩熒煌昭白日而祥光
上下公乃起川隅懷寶符顯昂志氣振奮泥塗捧抵鵲
之容彌彰潔白入非熊之兆寧掩瑕瑜衆皆釣其名我
則釣其道衆皆釣其魚我則釣其實故知神全者不辭

於貧賤志大者不歎於枯槁皤皤兮白髮湜湜兮清流
其來也釣於周所謂運一作抗良謀擁神休豈芳餌而能
獲匪嘉魚而足求異和氏之功疵瑕受戮賤詹何之術
溪澗空投然則道感其誠德亦有報天以我為忠告客
有悅其性者莫不望茲川而高蹈

任公子釣魚賦

并序

昔任公子釣魚經年不獲及其獲也衆人饜之公孫弘
十上不遇及其遇也帝王任之固知餌大則魚大功高

則祿厚魚也人也何酷似乎感其義以作賦曰

千載崇崇我聞任公獨坐會稽之上垂釣東海之中海
之廣兮混然飛流魚之大兮邈矣難儔所謂之魚三千
餘里何以為餌五十其牛其釣兮星霜已周日居月諸

兮吞此大鈎吞鈎之時其勢迴互覺巨

一作長

絙之緊急

驚白波以鼓怒攪大海簸高濤葉三山憚群鰲及夫道
盡途殫繩窮勢蹙突兀出水蹉跎望陸一岸山橫半天
雲矗巨鱗既已傾海水亦以清吞舟之害平若乃飛鑿

疑刀以撞突泉為膏兮岳為骨剥鱗上之重錦抉眼中
之明月由河之北達於東溟萬民饜飫三年羶腥向時
兮刻意臨川勞神有年舟人不顧漁子悠然坐石滑兮
積苔蘚蒼葭變兮老雲煙今日兮投竿瞬息以肉為食
豫且氣懾詹何失色契我心者臧丈人適我願者龍伯
國釣道既爾人亦如此孫弘未遇買臣家貧海上牧豕
江邊負薪常以雲霄自致燕雀時人受侮不少守志彌
真終逢挺拔俱為漢臣典郡則還鄉衣錦作相而開閣

迎賓則知餌大者魚大道肥者祿肥獲大雖喜雖晚何
悲魚之與人殊途而同歸

獨璽綸賦

以心專慮寧方
畫釣道為韻

李君房

維絲伊緡體道之要璽之緒可以為垂釣之綸綸之微
可以精用釣之妙綿聯輕竿之上荏弱深泉之微裊長
風而若絕度晴空而引耀剖蚌為餌寧取乎五十之牛
懸縷為綸奚期夫三百之釣觀夫其釣不釣玄之又玄
在河之涘期道為筌且夫綸細如忽魚潛在泉振而不

絕則其動也直深

心一作

而能致是其靜也專隨驚波而

乍緊逐潛流而曳引時髣髴而如見忽漂搖而將盡其
細雖爾其用彌深三尋豈勞於人手百丈乍發於泉心
神之凝不覺魚之得綸之細亦隨釣而沉美茲綸之裏
裏浮長川之浩浩疑空外之遊絲冒波中之弱藻斯綸
也異園客之功斯釣也得詹何之道釣術既臧唯道能
方其竿不撓其餌非芳中之者功多於金鑠引之者道
叶於玉璜信可以投於濮水信可以泛彼滄浪必釣乎

深先定乎慮得象以契於忘筌得魚斯謂之冥助魚既
得兮心亦冥收纖縷兮旋迴汀將大釣於方國冀滄流
之大寧

釣盈舟魚賦

以心無所望故能取之為韻

周 鉞

詹何以跡繫魚舟心遊水府樂垂釣以放志存大川而
為主是故傍遙汀依極浦下纖鈎疑而任運念紅鱗而

必取原夫綸抽獨璽鈎屈芒針綴香餌半粒裊荆篠

列子

荆篠為竿

數尋泛萬頃之濶投百丈之深不爭之以手而爭

之以心蓋以釣於魚也無情魚於釣也奚懼期不中而有中信難遇而終遇自得釣深之旨誰明引重之故觀其躍濤戲瀨掉尾揚鱗視吾釣為非釣觸吾絲為非絲果審之以無物遂吞之而不疑所以入其口挂其頤據洪津而曾不暫驚靜宜尅也恐巨力而難乎連制動必隨之欲舉未舉相去幾所牽之默計於輕重縱之潛知其出處且以弱制強者道之弘以剛鬪柔者死之徵不然則焉得綸甚微而不斷魚至大而不勝勢窮則龜龍

莫之衛護氣作乃波瀾為之沸騰我體正而方逸爾力
盡而何能此達守柔彼休用壯沉釣纔出於水面斃質
已充於舟上圖大且異於任公識時固同於呂望設使
專情待物切有於無則手也從操於釣餌魚也終樂於
江湖吾當不躁不撓不馳不趨垂竿於仁義之域鼓楫
於道德之衢然後憐一作歌玉兔惜金烏當盡釣於人間
之盛事豈獨盈舟而已乎

文苑英華卷一百二十四

欽定四庫全書

文苑英華卷一百二十五 宋 李昉等 編

道釋

玉書賦一首 列子御風賦一首

太清宮觀紫極舞賦二首 求玄珠賦一首

惚恍中有象賦一首 鑿混沌賦二首

孟蘭盆賦一首

興唐寺聖容瑞光賦一首

玉書賦

以泥九百節皆說有神為韻

呂鑄

上清中元聖立教存書示人以玉為至精之寶諭道於
疆名之真使其復歸於本近取諸身保長生於氣母通
不死於谷神妙哉靈訣虛皇之說清紫府之內瑕瑜不
藏洗丹田之中瓊瑤比潔蓬萊有壽配金石姑射有顏
如冰雪訝其與天地相終而莫知寒暑易節時所未諭
茲焉在列我是以紀庭廬之位論藏府之官得之於此
甚易求之於彼則難噓吸可以自審性命于焉內觀專

氣致柔則順途而同轍適性任欲將背馳而走丸五氣
理於先後三闕啓其戶牖精粹自成於渣滓寵辱不驚
於紛糾同美玉之韞匱我其善守以隨珠而彈雀爾於
何有以取諸其懷致於道孔皆目可通於兩耀神相應
於百骸乃知化自仙冊形為真宅傳此希言服之無數
神明不見指象帝於虛無玄覽可尋捧斯文而探賸代
所貴人受益不然何道德竝經於五千靈仙自古而累
百雖羽化之獨躋於國理而無睽用以修真則致虛抱

一移於砥行乃立節思齊故鍊質者慕凌厲飛騰於碧
落致身者以詩書禮樂為丹梯俾克躬以服道乃潔已
而如珪懸解上智之性指南下愚之迷客有仰黃庭之
秘錄空自嘆於塵泥

列子御風賦

以至人御風契
心玄冥為韻

紇千俞

列子占風之自履道而至澹曠若以輕體每冷然而意
遂感時之候臨大塊以栖真與化為徒諒成形之分類
美夫應彼飄舉隨乎屈伸如假羽翼迥離埃塵必俟乎

轉綠蕙搖青蘋穆以絕俗清乎使人摩九霄以騁望導
一氣而遊神是知本於無營且曰何思何慮超然獨往
疇為我徒我御瞻徐疾之匪差杳徜徉之有功誠之所待
因嘯虎以孤騫為用不疲偶化鵬而並翬欽若扇物資乎

在躬此焉靜騫于以玄同且其經隱全遭鴻濛

它書多作蒙莊

子作蒙

肅以潛暢高而不窮期則罔憊虞皇載美於解愠

德之為貴軒后必聞乎順風其或倒影虧蔽振衣容裔
莫逞乎遠孰睹其際方出谷於來穴縹形騰以神契善

行無跡顧綏策以何施乘化而游信道途之不繫伊在
御之有則曷躡虛而可尋明上士以離代啓至言以修

一作條

心斯氣也激濁常全接虛固然初習習以遐邁卒

諄諄以思玄候不奸兮節之八音而咸應福能致矣旬
有五日而方旋想乎上下無間乘凌有託既冲天而輕
舉亦觀微而惟寔鄙蕭史蘭臺之鳳軼王子緱山之鶴
道之云遠將自保於逍遙時不再來因以翔於寥廓

太清宮觀紫極舞賦

以大樂與天地同和為韻

張復元

樂者所以諧萬國舞者所以節八風故玄宗致紫極之舞
朝太清之宮俾觀舞以知德德以容備省風以作樂樂以
文同吾君纘道紀修祖功將有事以朝獻必斯舞之是宗
方其一人在庭羣后列位奉常執禮以恭命太樂陳儀而
歲事望聖主以龍升見舞童而麋至舞之作矣應其度而
展其容樂乃變焉動於天而蟠於地其始也顧步齊進踣
躡有序既乍抑而復揚遂將墜而還舉始躡跡以盼昧每

動容於取與陳器用之煌煌曳衣裳之楚楚觀乎俯仰迴
旋乍離乍聯輕風颯然杳兮俯虹霓而觀列仙飄颻遷延
或却或前清宮肅然儼兮若披雲霧而覩青天惟紫也取紫
宮之清唯極也明太極之先用之則邦國之光備施之則中
和之氣宣徐而匪濁比上帝鈞天之樂靜而不過小園丘雲
門之和亦何必持彼羽旌方聞乎得禮執其干戚然後必止
戈彼延陵空歎于象箭宋玉徒美其陽阿詎能合天地之大
德調陰陽之大訛者乎洪惟我后遵祖為大道一作遵其樂使

萬物無不宣飾其容使兆人無不賴容有觀而作頌願
播之於九域之外

第二

同前
韻

李絳

開元中賜海內以正朔示天下以禮樂舞紫極於宮庭
饗玄元於雲幄乃樹以旌旃設以宮懸由中出以表靜
用上薦於告虔盛德之容昭之於行綴至和之節奉之
以周旋激乎流音之下存乎大樂之先八佾以敷肅然
舞於清廟九奏之作杳若享乎鈞天如是則文始不得

盛於漢日大章未可比於堯年振萬古而獨出豈百王之相沿洎乎秉翟而叙候樂以舉協黃鍾歌大呂乍陽開於簫管忽陰閉於祝歆淹速以度正直是與若中正而離立復徐動而進旅和之感物應鳥獸以踳踳禮以成文垂衣裳之楚楚由是俾有司夙夜在躬候吉日鼓鍾于官方將萬舞爰節八風于以易其俗于以告厥功因乎所自制在其中中敬也其恭翼翼宣滯也其樂融融齊無聲於合莫感有情而統同則其業之所肄習之

則利作茲新樂著為故事享當其時舞于此地退而成
列周廟之干戚以陳折而復施魯宮之羽籥斯備美乎
冠之象以我我舞其容以傴傴合九變之節動四氣之
和散玄風以條暢洽皇化之弘多是時也天地泰人神
會舞有容歌無外故曰作樂以象德有功而可大

求玄珠賦

以玄非智求珠
以真得為韻

白居易

至乎哉玄珠之為物也淵淵綿綿不知其然存乎視聽
之表生乎天地之先亘古不改

一作其
中有象

與道相全求之

者剝其心俾損之又損得之者反其性乃玄之又玄

無音聽之則希珠無體搏之甚微

一作搏之則微

故以音而求

者忘以體而得者非修爾去焉將窅冥而齊往忽乎來

矣與罔象而同歸是以聖人之求玄珠也捐

一作捐

明聖

薄仁義索之唯艱失之孔易將在乎

三字一作莫不

以心忘心

以智去智其難得也劇乎剖巨蚌之胎其難求也甚乎

伺

一作待

驪龍之睡妙乎哉

一作夫

不皎不昧至明至幽將

一作欲

致之於馴致豈求之於躁求性滑

一作失

則遺若合

浦之徙去心虛潛至同夜室

一作光

之暗

一作關

投然則

一作

乃動為道樞靜為心符至明

一作光

不耀至真不渝察之

無形謂

一有其字

有而非有應之有信謂

一有其字

無而非無是

以二字一作

作故

立喻將為

二字一作

作此夫

至寶彊名謂之玄珠名不

徒爾喻必有以以不凝滯為圓以不炫耀

二字一作

無假疵

一作

為

美蓋外明者不如內明之義

一作理

純白者不若虛白之

旨藏於身不藏於川在乎心不在乎水夫唯

一作然則

外其

心順其神韜其光寶

一作保

其真雖無脛而求之必臻若

乃勞其智役其神肆其志徇其惑雖沒齒而求之弗得
則知真宗無秘妙本冥默珠者無形之形玄者無色之
色亦何必遊赤水之上造崑丘之側苟悟漆園之言可
臻玄珠之極

一作皆集本比本書反有脫句

第二

以道德非智求
珠以真為韻

趙 字

玄者道之真宗珠者物之至寶南華醜去聖之昏惑因
立言以探討將依物以見真故假名以喻道豈不以精

理冥然妙體希微任玄覽而自契運無涯而返違共趣
於真所觀皆指齊軀於苟何適不非是以遺之者異
跡得之者同歸若乃軒轅之理蓋以心中正天下肥猶
復築特室靜端闈思營之而英華不泯懸之而日月齊
輝於是捐聰塞明離形去智兀然而心無所適漠一作
然而體無所寄在宥而同乎太和守靜而成乎簡易不
自矜伐而人受其賜斯則不違黃屋之間而得玄珠之
義豈同夫無脛而走有類一作可收百金擬價徑寸無

儔焉假物而則是在身心而自修搏之不得何誤詬字

以註第一百卷穿揚葉賦

之能致視之不見豈離婁而足求且夫珠

以精真比道道以圓澈比珠豈瓦礫之能雜

一作雜反聲

固

聖賢而不殊是以似之者將千里之遠照懷之者如三
光而莫逾况國家騰凌義軒鬱映文史重光累聖抱一
而理自玄元而得之傳我皇而未已傳之謂何無為是
紀得之曷若徵賢選士契漆園之寓言悟玄珠而有以
况人能弘道道豈遠人體之則是任之則淳獨遊於崑

崙之側臨乎赤水之濱而在於彼獨疑得其真夫珠之為
義豈只喻道亦以比德將求價而不收同君子之否塞
况其勞於翰墨握而為則懷恩欲報照乘斯得料明哲
之深知冀投之而不忒

惚恍中有象賦

以形象無實全
在精至為韻

謝觀

惚不可視無臭無聲恍不可聽希夷杳冥於不可為之
內有不可狀之形則可徇其惚恍於無是無非之間見
有若存若亡之象似菖蒲之秀聞之而不見其形同合

浦之珍知有而難期入掌且夫視之不見將謂虛聽之
不聞將謂無則虛無之內有罔象之珠及夫視之可見
以為真聽之得聞以為實則真實之外有彊名之質故
執無而求者理則謬焉執有而求者理亦不然寄精於
從無之地韜光於入有之權其象也虛其體也玄謂皦
兮尚默謂虧兮復全其方不中於矩而規不中於圓自
索隱於心契可忘形於意筌靜以神觀黃帝得之於三
月反於目聽列子寤之於九年然後含兮如容浩兮如

海體

一作如

混沌而不殆成胚渾而不宰先天地之始已

塊然而生後天地之終尚澹然而何在何者為在何者為
生生萬物兮吾象不顯成萬物兮吾象不呈謂之有兮
無朕謂之無兮有精故道我者非常道名我者非常名
及夫清有形而為天濁有形而為地列而為九疇八卦
播而為五行六位此皆非其象此乃象之器自可外廢
其境内存其至一諭老氏之言曷無為之不致

鑿混沌賦

以清濁忽分物
來傷已為韻

薛逢

有物混成先天地生言乎地兮不濁謂乎天兮不清物
我俱亡莫究希夷之際玄黃未判因標混沌之名有南
海之帝曰倏北海之帝曰忽胥遇於茲一言相發伊人
以視聽食息滋養觀爾則耳目口鼻俱闕將欲擿爾聽
以寘音聲抉爾明以分日月䟽爾準而通氣翕爾喙而
容齟厥議既臧厥臂用攘堪頰舂脰真隨手傷一之二
之日視之茫茫三之四之日聽之鏘鏘六日而窮鼻鞮
一一作息七日而巨口箕張於戲偽茲始回邪作矣中明

役神外物攻已一彼一此無終無已痛乎道德喪而仁
義生亦由形兆分混沌死嗜欲悲哀聲牽響來遽然寐
覺劃爾形開日月星辰彊配陰陽之數輪轅棖桶爭標
曲直之材徒觀夫執仁斤橫義斲剖圭角析清濁投伊
礪乃之器入彼敦弓之樸勢騰凌聲澆潏靜者地而動
者天融為河而結為嶽則知樸能成器器成樸分木能
生火火盛木焚蓋所為聰明著而勝負交戰智勇昭而
是非糾紛夫如是又安得二氣凝而不流萬有來而不

拂吾欲寂唱和於聲響縵文章於黼黻然後棄爾見而
阻疑爾聞復歸於無物

孟蘭盆賦

楊炯

粵大周如意元年秋七月聖神皇帝御洛城南門會十
方賢衆蓋天子之孝也渾元告秋羲和奏曉太陰望兮
圓魄皎閭闔開兮涼風嫋四海澄兮百川晶陰陽肅兮
天地宥掃離宮清重閣設皇邸張翠幕鸞飛鳳翔暎暘
倏爍雲舒霞布翕赫忽一作霍陳法供飾孟蘭壯神功

之妙物何造化之多端青蓮吐而非夜一作夏 頽果搖而

不寒銅鐵銀錫

一作銅鐵鉛錫

璆琳琅玕映以甘泉之玉樹冠

以承露之金盤憲章皇

三一作

極儀形萬類上寥廓兮法

天下安貞兮像地殫恠力窮神異少君王子掣曳曳兮

若來玉女瑤姬翩躚躚兮必至鳴鶴鶴與鸞鷲舞鸚鷗

與翡翠毒龍拏

一作怒

兮赫然狂象奔兮沉醉怖魍魎潛

魑魅離婁明目不足見其精微匠石洗心不足徵其奧

秘續續紛紛氤氳氤氳五色成文若榮光休氣發彩於

重雲舊舊聚聚燠燠爛爛三光啓旦

一字一作壯觀

若合璧連

珠耿耀於長漢夫其遠也天台傑

一作傑

起統之以赤霞

夫其近也削成孤峙覆之以蓮花晃兮瑤臺之帝室

今金闕之仙家其高也出諸天於大梵其廣也遍諸法

於恒沙上可以薦元符於七廟下可以納群動於三車

者也於是乎騰聲明列部伍前朱雀後玄武左蒼龍右

白虎環衛匝羽林周雷鼓八面龍旂九旒星戈耀日霜

戟含秋三公以位百寮乃入鳴佩鏘鏘高冠岌岌規矩

中威容翕

習一作

無族談無錯立若乃山中禪定樹下經

行菩薩之權現如來之化生莫不汪洋在列歡喜充庭

天人儼而同會龍象寂而無聲聖神皇帝乃冠通天佩

玉璽冕旒垂目黠纒塞耳前後正臣左右直史身為法

度聲為宮徵穆穆然南面而觀矣人伎初會四影高懸

上妙之座取於燈王之國大悲之飯出於香積之天隨

藍寶味舍衛金錢麪為山兮酪為沼

一作洛

花作雨兮香

作煙明因不測大福無邊鏗九韶撞六律歌千人舞八

佾孤竹之管雲和之瑟麒麟在郊鳳凰蔽日天神下降
地祇咸出於是乎上公列卿大夫學士再拜稽首而言
曰聖人之德無以加於孝乎散元氣運洪鑪斷鰲足受
龍圖定天寶建皇都至如立宗廟平圭臬繡栢文楣山
梁藻栢昭穆叙樽壘設以覲嚴祖之耿光以揚先皇之
大烈或作明孝之盛烈
集作太宗之盛烈孝之始也考辰耀制明堂廣四
修一上圓下方布時令合蒸嘗配天而祝文考配帝集作
地而祝高皇孝之中也宣大乘昭群聖先祖考登靈慶

發深心展誠敬刑於四海加於百姓孝之終也夫孝始
於顯親中於禮神終於法輪武盡美矣周命維新聖神
皇帝於是乎唯寂唯靜無營無欲壽命如天德音如玉
任賢相悖風俗遠佞人措刑獄省遊讎披圖錄損珠璣
寶菽粟罷官之無事恤人之不足鼓天地之化淳作皇
王之軌躅太陽夕乘輿歸下端闈入紫微

興唐寺聖容瑞光賦

以天地澄霽高
相輝燭為韻

李子卿

中國之至聖兮西方之大仙凝旒為出代之日立極是
分身之年不然者何以垂其拱而鏡清四海建其象而
燭耀三天故知有相無相而雙合前聖後聖而兩全不
儀形乎何以表三身之義不鎔範乎何以塞萬人之意
乃命息氏立法冬官藏事寫真於會玉之庭鼓鑄於布
金之地炎帝司火飛廉扇吹九天下觀百神一作鍊旁伺
聲激射氣憑凌殷爾而風雷怒囂然而雲霧蒸波旬下
回祿昇爍寶刹斫金繩忽星透而泉噴遂煙消而氣澄

圓相鏡開謂太陽新吐眞實山立乃胚渾初凝怡然花
臺耀此金髻眸容若動茲眼如睇清淨而青蓮始春圓
明而白月新霽光然照夜瑞有應於周王像乃見時夢
豈慙於漢帝既營珠額仍輝玉毫見之者宜知極樂之
近仰之者誰識湏彌之高心遂得於眞正身豈有於塵
勞乘流者於馬捨筏滯縛者於此操刀夫其發靈光凝
瑞相異色旁射晴暉遠暢陽烏自耀於陽疑谷之中燭
龍滅焰於鍾山之上自有頂而成觀歷恒山而遠望赤

光照室而多慙紫氣度關而應讓於是百辟奔走萬姓
知歸拂塵而香雲自遍着人而花雨如飛莫不請施瓔
珞願解寶衣期誓心於相好聿求福於光輝由是我皇
之作也與聖同軌與道合躅降其象使天下有所觀播
其光使天下有所燭不言而人化不欲而人足泛兮墊
溺之濟巨川煥乎重昏之照初旭至矣哉法王之教將
萬代而嗣續

文苑英華卷一百二十五

欽定四庫全書

文苑英華卷一百二十六 宋 李昉等 編

紀行

玄覽賦一首

東征賦一首

玄覽賦

梁孝元帝

歲次梅蒙月建司空變凌陰之呂扇廣莫之風蕭子褰
帷九水作牧三宮乃盱衡而言曰惟天為大惟堯則之
惟地蓋厚惟王國之粵我皇之握鏡實乃神而乃聖陳

六聯於八則弘九職於三令運璇樞而御宇執玉衡而
齊政大矣廣矣無德而稱俯齟齬於軒義諒斗筭於子
姒包河圖與洛書括龍官乎鳳紀超大德於百王高鴻
名於萬祀惟天縱於副后踰啓誦而惟首既倫儒於肅
成復斷獄於長壽豈止丕莊屈膝將令班鄭捧帚譬衢
樽而待酌若懸鐘之須扣前踰繫象之外聲高洙泗之
右伊俯已之顛愚謬聯萼於天衢筮東門而畫野創南
國而分墟詔伯宗以為儗誥內史而策書用分茲於茅

社從侯服而俾予類金獸以封建非桐珪以錫虞爾其
湘水之東即我龜蒙魏甘露而分邑吳太平而定中鎮
麟山之崔嵬傍龍跡其一作穹窿金城高而相屬石燕

起而依風豈連鑣於分陝羨追蹤於二公彼琅臺之作

守有彭泗之嘉名殊竝海之分地異魚石之所城經沈

子之高墉蓋水運之堤封謝禮樂之干櫓閱武騎之翱

衝軾錦車而前騫驅魚軒而繼蹤無復鸞歌鳳舞唯對

綠柳青松留吳宮之宿鶯響平陵之夜鐘

樂府詩遠
聽平陵鐘飛

余纒而西征戍太真之舊營鳴節鼓之金鐺屯戎車於
石城戮滔天之封豕斬橫海之長鯨每輟書而歎息景
樹德之風聲從王役於鏡中浮文鷁而載鴻經謝亭而
帳飲想彥伯之高仁或作風度五城而騁望見三冀之無
窮故以飛雲蒼隼白鱧青桐金吾舍利鳴鶴紫宮眺方
嶽乎雲間望赤坂之朱殷想真長之送別懷思曠之還
山此檜檝而方遠彼松舟而未閒倦旅泊於新立同渭
水之不流或千人而竝唱乍萬人而相鈎毀橋由於瑗

度鑿空資於仲謀睇三茅之靈秘懷九轉之仙記紫臺
石室之文青首銀函之字獨有披霧之心彌軫凌雲之
志捫殷碑之愴望挹延州之高讓井甍沸而蜚螿勢崎
嶇而低昂見傳巴之度曲開疑作安歌之浩唱想觀樂
乎朝陽憶紆衣乎夕張廻途疑作舫之美風聳余棹乎
雲陽彼桑梓之必敬况松疑作榆之舊鄉將遊目於五
湖乃浩覽或作夕於姑蘇臨閭門之跨水聳重闕而開
都睇太伯之卜祀爰避國於勾吳去西滸之樂政尊東

夷之楷模時渡谷水之陽尚想嘉禾之方壯慶亭於吳
后雄樵李於越王觀泉亭之涌波崖巍巍而峩峩張素
蓋而縈洲嶼馳白馬而越江施鼓洪濤於萬里曾未動
於纖羅及戾止乎東歐疑作登玉筍與銅牛山東武而
遙集鴈南海而飛浮巖亭亭其似蓋氣苕苕其若樓登
舜橋而延首瞰禹井而淹留御史之牀猶在督護之門
不脩雖濫同於借寇愧人瘼之何求皇覽揆余之忠誠
詔入謁於承明既攝州於淮海且作尹乎中京慕張生

之摘伏挹邊延之勵精珥金貂而待問鳴玉佩而趨庭
兼三河及三輔總九緯乎九經揚王庭之俊選聞褒然
於前則時濫假於中台掌邦教之觀國乍南宮而薦士
且右鄉而表德判辟雍之樂語辯金馬之儒墨驅安車
以騁望壯天居之麗極詳夫皇王爰處本無定所堯都
平陽舜在冀方玄王居亳成周卜洛故知黃旗紫蓋域
中為天地之所合風雨之所會蔭美氣之蔥蔥浮御雲
之靄靄聳梁山而成闕紫長淮而似帶昔者甘泉暉章

平樂未央凌霄飛雨麒麟鳳凰九華仁壽百福明光玉
階紫闥雕柱錦墻木蘭為棟文杏為梁温臺久燠秋窓
夏涼甲乙之帳庚辛之枋未有祗園之右齊之仁壽用

擬舟航長為稱首日殿月宮金池珠叢七重迢遞千柱

玲瓏虹橋左

或作右

跨鴈苑南通紫紉之堂臨水青蓮之

臺帶風及夫皦光未旭更籌曙促猶然陽燧之火尚執
驪龍之燭或帶桃花之綬乍響玄山之玉爰八命而建
旗誠非親而勿居應鳴一作鞞於龍角覆緹幕於熊車

開轅門於淮渚泛舩皇之容與吟紫騮之長歌奏玄雲

之疊鼓開右座而納文設左廣而投武

或作光
而招武

既風起

而雲飛復摧班而拉虎泛樓船而鬱紆憶霸楚之雄圖

悲駢馬之不逝忘鹿逐之長驅豈烏江之天險資赤帝

之神符於是途經灌壘

或作壘

水分當利彼吳王之連和

延魏后之交質趙將軍之建節辛侍中之奉使亮鼎足
其何言限脩江而為二泊九井而問津蓋六服之都會
方函谷之設險譬魯陽之襟帶觀棄繻之裂帛見高車

之輔軼顧濡頰之故嶽每當食而忘飯鬪二虎於江干
爭兩龍於脩坂既凱捷而來旋遂鳴銃而獨返彼銅山
之可傷何驕容之無方已築長洲之苑復實海陵之倉
遂稱兵而內侮宜朝起而夕亡原西陵以肇基始衝梯
於士治載為前茅之首實表勤王之師同薏苡之興謗
成貝錦之深疑良弓藏而高鳥盡入不謙而出不辭遊
雷中而徜徉遇日吉而辰良祀公瑾以桂酒薦魯肅以
椒漿賓疑討曹之英策蓋謀桓之秘方衣披披而屢舞

神欣欣而樂康弔劉安於下雉聊載懷於惇史或策杖

而龍飛或叱石而羊起將雞鳴於天上逐疑埋魂於蒿

里匪仙道之云偽蓋為仁其由已經釣臺而高邁過鄂

渚而西浮變青門之三襲為黃塵之一丘城逶迤而中

斷階坡陀而半留分沙羨而啓鎮即開蕃與藩同於夏州

星尚連於翼軫舍兼分於斗牛麗滄浪之水清良信美

乎濯纓嗟疑其釣而非釣復何慮而何營羗有願而不

護疑作拂蘭橈而上征冬已謝而春辭聊方舟而水嬉

看白沙而似雪望却月而成眉臨石渚其如鏡玩弱柳
其猶絲停赤壁而延佇聊愴望而方思吳水鄉之舟楫
魏陸產之臯貌本吳長而魏短况地利與天時結憤風
而炎上燎原火於驚颺灰霧霏而擊馬箭參差而麗龜
成班車之逸氣碎當途於鹿麋分洞庭於吳上限東益
於巴丘如淄澠之相別似涇渭之分流雖滔滔而直瀉
終耿耿而橫浮想蘭香之薦枕懷娥皇之夜遊若夫子
瑜設險之記閻遨遊浪或作湧之地既下車而踐境早詢

求於方志曉泊鸞拳之津夕瞻荒谷之寺居柳下而布
德坐棠陰而高視班六條於宰邑賢十部於從事每題
輿於仲舉豈虛名乎叔治藉務隙於登臨乃紛吾之本
志時復設羽蓋揚旌旆乘雕玉從貝帶浮雲起登高唐
泛枉渚望涔陽荆棘生於龍門之下狐兔穴于馬牧之
旁臨章華而流一作盼見舊楚之淒涼試極目乎千里
何春心之可傷其舊一無渚宮也夾江帶阡布護井
田通達一作交道高門接連人要一作水心之劔家

有給

一作家
給火

耕之田既追隨而得性寔燕處而超然若

平臺之中觀閣相通雄梁渡水壯翼臨空金堤之路銅

鞞之宮閣寫凌霄樓布麗譙橫走馬而為觀擬牽牛而

作橋爾乃樹之榛栗椅桐梓漆三色一作黃甘千戶朱

橘桃蔭井而成蹊萍浮江而泛實蟬鳴枝而候稻范飛

冠

蜂也

而吐蜜復有水底石髮山筋地骨書帶新抽屏風

互發反魂長生靈壽女貞金鹽玉鼓堯韭舜榮交讓之

目代謝之名忘憂長樂桃杞

疑

鼓箏竹則簣蓄綠篔交

戰策皮淚沾虞后龍還葛陂便娟防露

七諫便娟之竹
歲蕤而防露

檀欒夾池聊右書而左琴且繼踵於華陰彼門人之問

疑道各家求而有心先鉛摘於魚魯乃紛定於陶陰識

三家之云謬知五門之可尋時仰稟於皇猷討巴濮於

裨儵乃稜威於華墨出車檻之云修觀月窟之入附覩

日勒之來遊既虎牙而成號又龍額而為侯仰皇德之

洪深疑朱離

詩注西夷之
樂曰朱離

於侏

文選東都賦侏侏
李善注侏東夷之樂也

任見白題之蹋鼓看烏孫之學琴獻桂條之良賁奉桃

枝之怪琛啞聚米於馬援晒盡地於臧旻彼蠢爾之為
鯁伊憑陵而未靜異黃巾於黑山非綠林於青嶺余喟
然以指蹤實濟寬而持猛負步先之文劔驚漢陽之夕

景麾靈琚之左轉光玳簪而右參白雲

一作霜

生而陣合

紅塵起而軍暗於是驅驕驕命蹶張迴翠蓋之金瓜臨
絳宮之玉堂擬都護之戊巳模荆尸之甲裳作齊軍之
滅竈敷燕師之卧墻觀田峻於虞澤命車右而前驅猶
從戎於細柳若驅馬於長榆矜猿鳴之抱木傷兔走之

依株每惻然而作色方載馳而轉軾閱放麋而興憫對

亂鱗而動惻矧高宴於城隅駐五馬而踟躕乃

此上疑作鱗

有青琴碧玉絳樹綠珠西河王豹東野綿駒蘭釭夕然

合璧斜天照流風之迴雪映出水之初蓮非吾心之所

悅曾未始而流連濫叨榮於分陝踰一紀之星躔子既

生而冠字嗟留滯以迴遭罷臨邊之瑞節觀楚黎之卧

轍向秋野之蒼茫對寒江之幽咽散歸雲之鬱鬱翁吐長

風之颼颼聞羌笛之哀怨聽胡笳之悽切慘

疑作

余袂

兮淚成行攀余轅兮不忍別奉信珪而入朝驅駟馬一作

駿馬

而乘軺既總司於戎旅亦兼飾於豐貂登贊路而目

極忽平原之已超帶方遠之九軌接馳道之三條彼重

門之擊柝馮霞起以建標雜丹樓以藻井間青山於綺

寮者疑落星之從龍覩燿火之迢遙鬱如蓬萊之臨滄

海憬如崑崙之出絳霄函夏之所覲江漢之所朝若夫

天不愛道地不愛寶賓連瑞木見白虎通紫達文選曲水詩序作紫脫華

平朱草見東觀記麒麟五色飛兔雙翼集我君圃之旁遊我

帝梧之側于斯時也天子郊禘于園丘高玉蘭於東漢
邁金版於西周奏蒼璧而服大裘樂有雲翹之舞牲非
蠶粟之牛設黃琮而禮地望方澤乎神州節會咸池之
瑄冕無繁露之旒觀三農乎九穀薦黍稷之穰穰命甸
師而清塵詔封人而出宿敬青壇而致虞動翠耜而祈
穀時季春之上巳臨祓禊乎沼沚杏花發於露寒棘實
浮於濛汜爰長久之御節採日精於山趾天策夜而動
星鈎陳朝而按軌于是時也陪玉軼飾金羈驅駮駟曜

翠羆乘倜儻控權竒寶劔昭晰綵鞞陸離乍俯馬足時
仰月支見靈烏之占巽觀司南之候離習執鞭而珥筆

雖日夕而忘疲與疑重明堂地景

一有邑字

已

丙巳乃明堂之方梁未諱

丙或唐人寫丙作景耳

乎正陽乃八窗而四達開上員而下方置

陰鑿之明

或以朝

水設珪璣而盈觴許天官乎冢宰服端

委而辯方虔植物之蒞藻鄙將饗之牛羊藉鴻私而置
傳復推轂而懷方泝蛟川於滙澤公鵠塞於潯陽何蟲
川之浩浩而匡岫之蒼蒼其匡岫也盤紆嶠嶂嶷嶷鬱鬱

律峻極于天，干霄秀出岑。嶽峙巖烏兔，蔽虧崦嵫聞。

疑作

開背原面野噴飛流，於天末鼓雷霆於巖下聳高館。

於雲中聯藜祠於星社，雕薨綺閣吁可畏。其欲落雲霧
杳冥縈萬嶺而俱青，照曜山莊宮堯石梁鴈門餘帳隆。
安故床鏡臨江而分影，鑪銜花而共香。若乃羽族徘徊
察風應雷鴛鴦感夢，乾鵲知來露華扶鷗而肅侶銜環
帶壘而合或作猜孔接影而颺颺，鵲交頸而毳毳爾其
彭蠡際天用長百川沸涓渝溢澍淡連延大則浩汗混

漾細則澆灌潺湲遇祈或作神颺之弗爽彼所祈或作報報之

無憇且搏搖以九萬乍高颺而三千其中則有澆濶嘉

魚鷺羽龍鬚戴星含石蒲疑身雉軀乍浮圓鏡時泛明

珠報蕩子之長信送仙人之短書耻觀魚而為樂解舒

鴈於高繳必冀孔愉之龜當如噲叅之鶴愠衝冠而發

憤嗟吾人之施薄觀進退於我生每篤靖而居貞羞為

金谷之富不矯石閭之清每鞠躬而遵節藉王道之既

平貴靜者人所便予得之於自然非三百之不足惜五

十於豐年笑汗斜之行潦喜甘雨於石田飛新梅於信
粉拂輕絮於房綿月芝抽而曉落燈花開而夜燃菊從
風而金散荷帶水而珠圓已寤歌於折柳復行吟而採
蓮課七分與六日推兩地與參天夕章程而勾股亦剡
注而叅連幼墳籍以自娛迄方今而不渝雲氣芝英之
簡懸針倒薤之書緘乎蒸栗之帙歸乎酸棗之珠擬河
獻之留真希淳儒一作子之席珍笑彭聃之下士聊重義
而自欣一作臨秋水之至鑿戶牖而長望混木鴈而兼

樂登春臺而自欣

陳嗟今來而古往方

一作聊

絕筆於獲麟

凡一作皆藝文類聚節文

東征賦

高適

歲在甲申秋窮季月高子遊梁復久方適楚以超忽望
君門之悠哉微先容以効拙始一作姑不隱而不仕宜漂

淪而播越出東苑而遂行汭濁河而茲始感隋皇之敗
德割平原而為此西馳洛汭東竝淮涑地豁山開川流
波委六宮景從千官邈逸龍舟錦帆照耀乎數千一有百字

里大駕將去羣盜日起尸位者卷舌而偷生直諫者解

頤而後死寄腹心於梟獍任手足於蛇虺終一作既受殺

於匹夫尚興疑於愛子豈不為窮力役於征戰務淫逸

於奢侈六軍悲牧野之師萬姓哭遼陽之鬼嗟顛覆於

瞬一作曛目指年代於流水唯見長亭之煙火悲一無曠此字

野之荆杞至鄴縣之舊邑懷蕭相之高風既屈節於主

吏每歸誠於沛公始俱起於天下乃從定於關中推金

帛於他人挹圖籍於我躬按山川之險阻救一作天地

於一作屯蒙嘉盈俸以增邑方挹一作蹤而建功納邵

平以防患舉曹參而告終經經城而永望想譙郡而銷

憂慨魏武之雄圖終大濟以橫流用兵戈以威四海挾

天子而令諸侯乃擅命以誅伏徒矯跡以安劉吾始未

知夫逆順胡寧比一作於殷周下符離之西偏臨彭城

之高岸連山鬱而一作漭蕩分大澤三字一作乎渺漫

憶此一無昔天未厭禍項氏叛換解齊歸楚自蕭擊漢天

地無色風塵潰亂憫君王之坎軻混士卒以奔散苟炎

運之克昌豈人生之塗炭次靈璧之逆旅而垓下之遺

墟嗟魯公之慷慨聞楚聲之

一作而

悒於歌拔山之

一作以

涕洟竊霸圖而莫居捐

一作捐

亞父之何甚悲虞姬之有

餘出重圍而狼狽至陰陵以躊躇顧天亡以自負雖身

死兮焉如登夏丘而寓

一作縱

目對蒲隧而愁予聞

一作問

取慮之斯在徵長直而舍諸宿徐縣之廻津惟偃王之

舊域方以小而事大豈無位而有德彼皆昏暴以喪邦

一作民 伊何仁義而亡國高延陵而

一作之

挂劔慕班彪之

述職酒

一作緜

沛水之悠悠俯婁林之行

一作紆

直即日河

澣依然泗上山川土田耳目清曠眺睢

一作淮

源之呀豁

倚

一作倚作偉

楚關之雄壯挂輕席於中流順長風以破浪過

盱眙之邑屋傷義帝之波蕩雖

一作數

三戶之亡秦知萬

人以離項越龜山而訪泊入漁浦而待潮鴻鴈飛兮木

葉下楚歌悲兮雨瀟瀟霜封野樹冰凍寒苗岸草無色

蘆花自飄幸息肩於人事願投跡於漁樵思魏闕而天

遠向秦川而路遙候鳴雞以進帆趨亂流以爭迅縱孤

舟於浩大撫垂堂以誠慎導往主

二字一作在者

於淮陰徵昔

賢於韓信哀王孫以

一作之

寄食嘉漂母之無愠鄙亭長

之不仁乃晨炊而嗇恠忽從龍以獲騁遂擒豹以自奮

破全趙有奇謀

三字一作而用奇

稱假齊以益振幸辭通以感

惠俄結豨而謀讐當處

一作在

約而心亨曷持盈而不順

陵赤岸之迢遞棹白波之紆餘歷山陽之村野投襄賁

之邑居人多者

一作嗜

艾俗喜觀漁連葭葦於郊甸雜汀

洲於里閭感百川之朝宗彌結念於歸歟日杲杲以麗

天雲飄飄以卷舒魯放情而於一作蹈海丘永歎於乘桴
遇坎則止吾今不知其所如哉

凡一作皆川本文粹乃集本

文苑英華卷一百二十六

欽定四庫全書

文苑英華卷一百二十七 宋 李昉等 編

遊覽一

閒遊賦一首

遊廟山賦一首

楚望賦二首

望賦一首

閒遊賦

并序

徐 魁

余嘗讀易至謙豫二卦乃廢書而歎曰嗟乎天道其何遠哉故逍遙山阿內身外物自保幽靜庶無悔吝遂援

毫命牘賦閒遊之章云爾

夫居幽而思遠兮固先達之所言吾乘方以靜拙兮亦自得於丘園羨馬蹄之踐雪兮憐澤雉之處樊竭歸來以遂志兮豈榮華之足敦傍山阿而葺宇兮即樹援而啓門爾其山則盤紆深沉穹窿杳靄下枝迴溪上瀉懸瀨絕峯交竦深林縈帶魚鳥歛以來往煙雨紛其雜會喧以騰倚之獸蔭以偃蹇之木百藥爭妍千芳競馥紫芝所業黃精所畜玄猿遊嘯於陰杖疑作枝惠風徘徊於陽谷

潤疑作潤綿靡而成文泉瞰鏡而自肅若乃春華既落秋

實就成翔雲疊疊流月亭亭高蟬嘶韻玄鳥辭楹氣淒

清而開朗露漂冽而含清或傍徨乎松壑亦偃息乎林

扃覽五聖之餘軌酌三古之遺經信居謙而履福如在

豫而忘鳴遵養性於黃術鑒止足於老生欣松屑之可

餌難

一作歎

黃金之未成至乎身乖俗偶志罷世紛坐隣

沙雪卧接煙雲耿長霜

一作宵

而未寐乍含咏以成文傷

孤鴈之失伴懷哀鶻之離羣何物類之多感鬱予懷其誰

語希體逸而心廣願飄然而高舉美人兮巖阿若非兮襲予天
奄冉其將暮山蕭條而無侶發清琴以輔志操長歌以延佇
歌曰上幽岫兮得所欽山蔬陳兮桂酒斟嗟草木兮洛
疑春心悼日月兮遊疑相尋貴龍鳳兮就高深悅張邴
兮託蕭森歌響既畢月已沉乃擁荷蓋命漢舟越蘭渚
泛滄流意超遙其誰恨何俗累之為憂傷路人之狹隘
聊放心以閒遊

遊廟山賦

序并

王勃

玄武山西有廟山東有道君廟蓋幽人之別府也長蘿
巨樹梢翳雲日王子馭風而遊冷然而喜益懷霄漢之
舉而忘城闕之戀矣思欲攀洪崖於煙道邀羨門於天
路仙師不在集作存壯志徒爾俄而泉石移景秋陰方積
松柏群吟悲聲四起背鄉關者無復四時之策焉嗚呼
有其志無其時則知林泉有窮路之嗟集作哭煙霞多後
時之歎不其悲乎遂作賦曰

陟彼山阿積石峩峩亭臯千里傷如之何啓松崖之密

蔭攀桂岳之崇柯隔浮埃於地絡披顛氣於天羅爾其
綠巖分徑蒼岑對室菌軒丹紉芝塲翠密俯泉石之清
泠臨風颺之瑟颺仰紉臺而攜手望清都而容膝

集作
屈膝

躡霞罔於玉砌步雲岳於金壇懷妙童於真女想青螭
及碧鸞情恍恍而將逸心迴迴而未安見丹房之晚晦
知紫洞之宵寒既而霧昏千障煙浮四野恨流俗之情
多痛飛仙之術寡驅逸思於方外踟高情於天下使蓬
瀛可得而宅焉何必懷於此都也亂曰已矣哉吾誰欺

林壑逢地煙霞失時託宇宙兮無日俟鸞虬兮未期他

鄉

集作邦

山水

集作谷

祗令人悲

楚望賦

并序

李嶠

序曰登高能賦謂感物造端者也夫情以物感而心由
目暢非力覽無以寄杼軸之懷非高遠無以開沉鬱之
緒是以騷人發興於臨水柱史詮妙於登臺不其然歟
蓋人稟情性是生哀樂思必深而深必怨望必遠而遠
必傷千里開年且悲春目一葉早落足動秋襟坦蕩忘

情臨大川而永息憂喜在色陟崇岡以累歎故惜逝慙
時思深之怨也搔情蕩慮望遠之傷也傷則感遙而悼
近怨則戀始而悲終遠節弘人且猶軫念苦心志士其
能遣懷是知青山之上每多惆悵之客白蘋之野斯見
不平之人良有以也余少歷難疑虞晚就推擇揚子甘
泉之歲潘生秋興之年曾無侍從之榮顧有池籠之嘆
而行藏莫寄心跡罕并歲月推遷志事遠落栖遑卑辱
之地窘束文墨之間以此為心心可知矣縣北有山者

即禹貢所謂岐東之荆也。宮堯高敞，可以遠望。余簿領之暇，蓋嘗遊斯，俯鏡八川，周睇萬里，悠悠失鄉，縣處處尺。疑雲煙不知悲之所集也。歲聿云暮，遊子多懷，援筆慨然，遂為賦云爾。

眇乎忽然，高山之顛，露團團而濕草，風烈烈而鳴泉，對蒼茫之寒日，聽蕭索之悲蟬，廟。疑獨處而無晤，吾凝睇

乎八埏，於是繁懷載紆，積慮未豁，生遠情於地表，起遙

恨於天末，霜盡川長，雲平野濶，恨遊襟之造。疑作蕩憤

羈怨之協

疑作切

怛寂焉長想倏若有亾固將言而已歎

信無哀而自傷撫余情之增軫悼人事之多戚曾浮促

之幾何而思緒之纏邈思何憂而不入心何慮而不攢

雖感目之一致終寄懷而百端若乃平原杳兮千里春晴

山香疑兮萬里親

疑作新

迷故鄉之處所滅愛舊之聲塵

願寄言而靡託思假翼而無因徒極睇而盡思終天性

而傷神或復天高朔漠氣冷河關漢塞鴻度吳宮鷺還

對落葉之驅影怨浮雲之慘顏爾乃永眺無見端居不

聊音留愴歸軒之寂寂傷遠客之悠悠月臨城曉風送邊

秋唳鶴

二字疑

聞兮炯不寐凝笳動兮此夜愁及夫寒野

蕭條空山寂寥目馮邱而途眇指邯鄲而路遙傷永離

兮浦曲訣遠送兮河橋眺平蕪之漫漫瞻遠樹之迢迢

仡然直視嗑矣魂銷形將槁木同植心與飛蓬共飄至

如隴上從軍漢疑陽譚戍挿羽朝急要鞭夜赴黯黯塞

雲蒼蒼闕樹甘埋影於異城斲回首於歸路魂逝兮邑

里目斷兮煙霧步將前而後

疑作復

留望欲罷而還顧覩

驚塵之歎起見征羽之將度泉石愴而增咽行旅悲而
失措亦有擣衣思婦織錦懷人看粉黛兮無色視桃李

兮非春君去兮還無期妾心兮私自悲高臺四望杳無極

天疑涯一去何君疑盡時天涯兮綿綿問道路兮將

幾千朝朝暮暮綺窓前長懷此恨終永年若夫羈旅失

職之人放逐流離之客羌抱恨而誰許疑作塊絨愁而

不擇疑於是窮澤際天滄流拂漢屬榮悴兮時改遇炎

涼兮節換莫不瞻草木而孤絕向風煙而永歎故夫望

之為體也使人慘悽伊鬱惆悵不平興廢思慮震蕩心
靈其始也固兮若有求而不致也悵乎若有待而不至
也悠悠揚揚似出天壤而涉雲莊逡逡巡巡若失其守
而忘其真羣感方興衆念始并既情招而思引亦目受
而心傾浩兮漫兮終逾遠兮肆兮流兮宕不返兮然後
精廻疑魄亂神墮至二字否憂憤總集莫能自止雖剛
悍武力之夫法度禮容之至作孰不解威失毅廢綱遺紀
祝疑借使堊疑河負海牛山之美可遊左江右湖京臺

之樂難忘

闕

邈千秋金石悲兮綺羅傷

一作相

顧

山川以永慨邀山月而詎央若乃羊公愴惻於岷山孔
宣憫然於曲阜王生臨遠而沮氣顏子登高而白首惟
夫作聖明哲寬和敦厚亦復怛色愀容喪精弓疑壽故
望之感人深矣而人之激情至矣必也念終懷始感往
悲來汨未形而至造思繁無而生哀此懽娛者所以易
情而慨慷達識者所以凝慮而徘徊者也

第二

并序

劉禹錫

子既謫于武陵其地故郢之裔邑與夜郎諸夷錯繫乎
天者陰伏陽驕繫乎人者風巫氣竄是以霧露一作霧浮
浮利于樓居城之麗譙實隣所舍四垂無蔽萬景全入
因道其遠邇所得為楚望賦云

翼軫之野祝融所司陰迫而專專實生沴天濡而霧土

洩而泥氣罕淑清兮淫氣曠曠四字一作漫淫氣曠中人之體兮

為瘡為瘵一作瘵以曠滌煩兮利居高于物外我卜我居

於城之隅宛在藩落麗譙渠渠四阿垂空洞戶發樞眸

子不運坐陵虛無歲更周流時極慘舒萬象起滅森來
貶子樵軒之外羣山龍從岡陵靡陀勢若相拱出雲見
怪窈蔚森聳露夕霞朝望如飛動簷廡之下大江瀕洞
支流合輸泄入雲夢羲和望舒出沒兩涯涵泳之族聳
取噉呀秋水灌盈漩石飄沙流枿軒昂舞于盤渦逮及
收潦澹如醪醜白石磷磷倒影羅生蘋末風起有文無
聲悠遠煙綿與空蒼然湘沅之春先令而行騰月寒盡
溫風發榮土膏如濡言鳥嚶嚶三星嘒其曉中植物飈

以飄英雲歸高唐草蔽洞庭目與天盡神將化并圓方
相函遊氣杳冥熙熙藹藹藻飾羣形枿樹同丘積空凝
青環洲曲塘含景曜明恢台之氣發于春季涉夏如鑠
逮秋愈熾土山焦焚止水漫沸翔禽跼墮呀喙一作味垂

翅曦赫歆蒸陽極召

一作反

陰二儀交精下上相歆雲興

天際歛若車蓋凝矚未瞬彌漫霍霽驚雷出火喬木糜
碎殷地藝空萬夫皆廢懸霤綆繩日中見沫移晷而收
野無完塊少陰之中景物澄鮮丹葉星房燭耀一作輝川

原夕月既望曜

一作躍

于丹泉上鏡下冰湔塵濯煙宿麗

潛芒獨行高躔皓

一作皎

一氣之悠悠潔有形而溢清玄

杳微

一作微

明以斐查想遊目於化先夜無朕以徂征

金霞暈乎海壖明星方揚斜漢西懸璿柄如墮半沉層

一作曾

瀾雞啁晰而晨鳴兮日荏苒以騰晶動植瞭兮已

分山川鬱乎不平復人寰之誼卑淘浩浩以營營追向

時之景光不可驟得以再更意華胥之夢還猶

一作徬

像而馳精日次于房天未降霜百卉猶

一作獨

澤水泉收

脉故道脍

宣音

削衍為廣斥水禽嬉戲引吭伸翮紛驚鳴

而決起捨綵翠于砂礫時北風振槁揚埃蕭條邊聲與
鴈俱來寒氛委積萬竅交激楚雲改容飛雨凝滴灑林
逋響浙澀梢槭飛電照雪以騰光柔蔬傲霜而透坼躔
次殊氣川谷異宜民生其間俗鬼言夷招三閭以成謠
德伏波而構祠投粃粃以鼓楫豢鱸鮓而如蟻蝓木靚
深孽妖憑之祈年去厲於蠲敬祇擊鼓肆筵河

一作旁

水湄薦誠致祝却落躑踞渚居蠱食大掩水物罟張餌

啗不可遁伏顯舉潛絀晝撞夜觸設機沉深如拾于陸
彼遊儵之瑣類咸跳脫於窘束雖三趾與六眸時或加
乎一目亦有輕舟拖綸往復軒輕泛浮馴鷗相逐暮夜
澄寂嘯歌羣族儉音俚態幽怨委曲逗踈析於江城引
哀援於山木巢山之徒抨一作木開田灼龜伺澤兆食
而焮鬱攸起于巖阿騰絳氣而蔽天熏歇雨濡一作頽
垂林顛盜天和而藉地勢諒無勞而有年罷士聞人逸
為末作求金渚湫淘汰漭潏流注潰沱一作繁光熠爚

貪賈來貿發于懷握無翼而飛潤于豐屋晒耘耕之悒
悒徒胼胝以自鞠我處層軒日星迴還閱天數而視民
風百態變見乎其間非耳剽以臆說兮固幽求而縱觀
觀物之餘遂觀我生何廣覆與厚載豈有形而無情高
莫高兮九閣遠莫遠兮故園舟有楫兮車有轄江山
上坐兮不可越吾又安知其所如悅臨高以觀物

望賦

劉禹錫

邈不語兮臨風境自外兮感從中明晦轉續兮八極鴻

蒙

集作濛

上下交氣兮羣生異容發孤照於寸眸騫遐情

乎太空物乘化兮多象人遇時兮不同嗟乎有目者必
騁望以盡意當望者必緣情而感時有待者瞿瞿忘懷
者熙熙慮深者矐然若喪樂極者冲然無違外徙倚其
如一中糾紛兮若斯望如何其望寂樂晞慶霄兮遡阿
閣如雲兮天顏咫尺如草兮臣心踴躍扇交翟兮葳蕤
旗升龍兮蠖略日轉黃道天開碧落凝瑞景於庭樹掬
非煙於殿幕望如何其望且懽登灞岸兮見長安紛擾

擾兮紅塵合鬱蔥蔥兮佳氣盤池象漢兮昭回城依斗
兮闌干避御史之駄馬逐倖臣之金丸望如何其望攸

好宗萬靈兮越四隩漢帝仙臺兮秦皇海嶠霓裳踊

作一

踴于河上馬跡窮乎越徼紫氣度闕而斐疊神光屬天
而照耀晚眷眷以馳精聳專專而觀妙望如何其望有
形視蠢蠢兮窮冥冥楚塞氛惡兮蕭闕燧明暈籠孤月
兮角奮長庚沙長一作多似雪磧有疑城煙雲非女子之
氣草木盡王者之兵審曳柴之虛警破來騎之先聲信

有得於風鳥亦

一作示

無言於旆旌望如何其望且慕思

意隔今年光度雕輦已辭兮金屋何處長信草生兮長

門日暮候翠華之儻來仰玄天以自訴况復湘水無還

章

一作漳

河空注淚染枝葉香餘紈素風蕭蕭兮北渚波

煙漠漠兮西陵樹夫不歸兮江上石子可

一作河

見兮秦

原墓拊

一作拍

琴翻朔塞之思

一作音

挾瑟指邯鄲之路望

如何其望最傷俟環玦兮思帝鄉龍門不見兮雲霧蒼

蒼喬木何許兮山高水長春之氣兮悅萬族獨含嘯兮

千里目秋之景兮懸清光偏結憤兮九迴腸羨環拱於

白榆惜馳暉於落棠諒衝斗兮誰見伊戴盆兮何望

平聲

豈止蘇武在胡管寧浮海送飛鴻之滅沒附陰火之光

彩鶴頸長引烏頭未改恨已極兮平原空起何時兮東

山在永望如何傷懷孔多降將有依風之感宮人成意


一作憶月之歌歌曰張衡側身愁思久王粲登樓日迴首

不作涓瀆垂釣臣羞隨

一作為

洛陽拜塵友

凡一作皆集本



文苑英華卷一百二十七